

լայնում է: Մշակում է պրոգրեսիւ — եկամտային տուրք: Աղի մշակումը և արտահանումը զարգանում է: Շուտով կը կնքւի առևտրական դաշինք Պարսկաստանի հետ և կարիք կը լինի Շախթախթում և Ջուլֆայում մաքսատներ բանալ:

Արդարադատութեան ասպարէզում հիմնել են արտակարգ դատարաններ և ուժեղ կռիւ է տարւել չարաշահութեան դէմ: Արտակարգ դատարաները կը մնան մինչև բացառիկ պայմանների վերացումը: Մեր բոլոր դատաստանական հիմնարկութիւնների գրազրուիւրը և դատավարութիւնը հայացել են: Օրէնքների հայացման նախապատրաստական աշխատանքները վերջանում են: Բացել են շրջանային դատարաններ Կարսում և Ալեքսանդրապոլում: Բանտերի տնտեսականը բարելաւել է, բանտերը ստեղծել են իրենց սեփական տնտեսութիւնները:

Երկրագործութեան նախարարութեան կողմից մեծ աշխատանքներ են թափւել մեր երկրի արտադրական կարողութիւնները բարձրացնելու համար: 350,000 փութ հացահատիկ է տրւել գիւղացիութեան ցանքսերի համար: Բնութիւնն էլ օգնութեան եկաւ մեզ, և այժմ մեր գիւղացին փայլուն բերք է հնձում ու կախում: Գնւել և տրւել են գիւղատնտեսական գործիքներ, կազմակերպւել է նաև խոտհարքը: Նոր նաճած վայրերի առատ բերքը հաւաքելու գործը դրւում է կանոնաւոր հիմքերի վրա: Կաթնատնտեսութեան, մեղաբուծութեան, ձկնաբուծութեան և ծխախոտագործութեան զարգացման նպատակով տրւել են նպաստներ, բացւել են ձկնաբուծարաններ Սևանայ լճի ափին, արհեստական կերպով իշխան, գեղարքունի և դրսից բերած ձկների բազմացման համար, փեթակները տուրքից ազատւած են: Ցանւել է 1500 դեսեատին բամբակ և 100 դեսեատին ծխախոտ: Հանքային հարստութիւնների ուսումնասիրութիւնն ամենաարագ կերպով առաջ է տարւում. մանաւանդ մեծ եռանդով ուսումնասիրւում են Օլթիի ածխահանքերը: Հրաւիրւել են թէ՛ Հայաստանում և թէ՛ դուրսն ապրող մասնագէտներ, որոնք արդէն գործի վրա են: Անտառների պահպանումը յատուկ ուշադրութեան է արժանացել: Հողային հարցը լուծելու համար էջմիրածնի, Երևանի, Իջևանի, Դիլիջանի, Գարալագեազի դաւառներում, Վայոց Ձորում կազմւել և բարեկաշտ կերպով աշխատում են հողային յատուկ կոմիտէներ: Միայն մասնագէտ մարդկանց պակասութեան պատճառով միւս դաւառներում առ այժմ այդ չի արւում:

Աշխատանքի նախարարութիւն. — Մեր կառավարութեան հոգսն է եղել բարեք կեանք ստեղծել համայն բանւորութեան համար: Ուշադրութիւն է դարձւել նրանց պարենաւորման, կուլտուրական կարիքների բաւարարման վրա: Բանւորական հրատարակութիւնների համար բաց են արւած վարկեր, հիմնւել են գրագարան-ընթերցարաններ, ակումբներ: Բանւորների և աշխատաւորների կուլտուրական կարիքներին բաւարարութիւն տալու հնարաւորութիւններ ստեղծելու համար յատկացւել է Ջանփոլադեանի թատրոնի շէնքը: Իսկ նրանց պարենաւորումը կազմակերպելու համար կազմւել է «Հայթայթիչ մարմին», որին և տրւել են գումարներ, և այդպիսով գործնական միջոցներ են ձեռք առնւել պետական, հասարակական և մասնաւոր հիմնարկութիւնների և ձեռնարկների աշխատաւորների պարէնն ապահովելու համար:

Խնամատարութեան և վերաշինութեան նախարարութիւն. — Սովը մեղմացել է՝ տալով ձրի կամ շատ ատան գնով հաց, ալիւր և այլ մթերքներ: Այժմ հունձի ժամանակ կամաց-կամաց այդ կերպի խնամքն էլ կրճատւում